

Na osnovu člana 98. Zakona o visokom obrazovanju («Službene novine Tuzlanskog kantona» broj: 7/16, 10/16, 5/17, 15/17, 15/19), člana 52. stav 1) tačka n) Statuta Univerziteta u Tuzli, Odluke Senata Univerziteta u Tuzli o broju studenata za upis u prvu godinu prvog i integriranog prvog i drugog ciklusa studija, te drugog i trećeg ciklusa studija na fakultete/Akademiju Univerziteta u Tuzli u akademskoj 2020/21. godini broj: 03- 2696-1-5/20 od 19.06.2020. godine, Odluke Upravnog odbora Univerziteta u Tuzli o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli u akademskoj 2020/21. godini broj: 04-2700-1-1/20 od 18.06.2020. godine, a uz prethodnu saglasnost Vlade Tuzlanskog kantona broj: 02/1-34-8978-3/20 od 16.06.2020. godine i broj: 02/1-34-11940-1/20 od 16.06.2020. godine, raspisuje

**K O N K U R S**  
**ZA UPIS STUDENATA NA TREĆI CIKLUS STUDIJA**  
**NA FAKULTETE UNIVERZITETA U TUZLI U AKADEMSKOJ 2020/21. GODINI**  
**I**

Na fakultete Univerziteta u Tuzli u akademskoj 2020/21. godini na treći ciklus studija upisaće se sljedeći broj studenata **koji se sami finansiraju**:

Red. br.	Naziv fakulteta/Akademije Studijski program/Usmjerenje	Treći ciklus	
		minimalno	maksimalno
1.	<b>Edukacijsko-rehabilitacijski fakultet</b>	<b>3</b>	<b>30</b>
	• Specijalna edukacija i rehabilitacija	3	30
2.	<b>Ekonomski fakultet</b>	<b>3</b>	
	- Marketing	3	
3.	<b>Fakultet elektrotehnike</b>	<b>3</b>	<b>10</b>
	• Elektrotehnika i računarstvo	3	10
4.	<b>Fakultet za tjelesni odgoj i sport</b>	<b>3</b>	<b>10</b>
	• Kineziologija	3	10
5.	<b>Farmaceutski fakultet</b>	<b>3</b>	<b>10</b>
6.	<b>Filozofski fakultet</b>	<b>9</b>	<b>25</b>
	• Književnost	3	5
	• Lingvistika	3	15
	• Komunikologija	3	5
7.	<b>Mašinski fakultet</b>	<b>15</b>	<b>25</b>
	• Energetika i termo-fluidni inženjering		
	- Održiva energija i okolina	3	5
	- Termoenergetika	3	5
	• Proizvodno mašinstvo		
	- Proizvodne tehnologije	3	5
	- Industrijski inženjering	3	5
	• Mehatronika	3	5
8.	<b>Medicinski fakultet</b>	<b>3</b>	<b>25</b>
9.	<b>Pravni fakultet</b>	<b>3</b>	<b>10</b>
10.	<b>Prirodno-matematički fakultet</b>	<b>9</b>	
	• Geografija	3	
	• Biologija	3	

	• Primijenjena hemija	3	
11.	<b>Rudarsko-geološko-građevinski fakultet</b>	<b>12</b>	<b>40</b>
	• Rudarstvo	3	10
	• Geologija	3	10
	• Hidrotehnika	3	10
	• Građevinske konstrukcije	3	10
12.	<b>Tehnološki fakultet</b>	<b>9</b>	<b>21</b>
	• Hemijsko inženjerstvo	3	7
	• Prehrambeno inženjerstvo	3	7
	• Inženjerstvo zaštite okoline	3	7
13.	<b>Prirodno-matematički i Tehnološki fakultet</b>	<b>3</b>	<b>7</b>
	• Primijenjena hemija (zajednički doktorski studij)	3	7
	<b>UKUPNO:</b>	<b>78</b>	<b>213</b>

## II

Pravo upisa na studijske programe trećeg ciklusa imaju kandidati državljani Bosne i Hercegovine, strani državljani i lica bez državljanstva koji ispunjavaju uslove utvrđene studijskim programima fakulteta, a koji su odgovarajuću diplomu o završenom prethodnom ciklusu studija stekli na akreditovanoj visokoškolskoj ustanovi.

Rangiranje kandidata vrši komisija koju imenuje Vijeće dokorskog studija, a na osnovu uspjeha ostvarenog na prethodnom ciklusu studija (prosječna ocjena zaokružena na dvije decimale) i drugih kriterija utvrđenih studijskim programom fakulteta.

## III

**Podnošenje prijave i upis kandidata vrši se u rokovima kako slijedi:**

- **podnošenje prijave vršiće se od 22.06. do 30.10.2020. godine,**
- **privremena rang-lista kandidata objaviće se do 02.11.2020. godine,**
- **konačna rang lista objaviće se 04.11.2020. godine,**
- **upis primljenih kandidata obaviće se od 04.11. do 09.11.2020. godine.**

## IV

Uz prijavu na Konkurs kandidat prilaže:

- kopiju diplome o prethodno završenom odgovarajućem ciklusu studija: prvog i integriranog prvog i drugog ciklusa studija/ postdiplomskog studija/studiju drugog ciklusa ili uvjerenje o završenom studiju u slučaju da visokoškolska ustanova još nije izdala diplomu, *ovjerenu* kod nadležnog općinskog organa ili notara;

- uvjerenje visokoškolske ustanove o dužini trajanja studija iz prethodne alineje, kao i dodatak diplomu, za lica koja su završila drugi ciklus studija po Bolonjskom sistemu studiranja,

- uvjerenje o uspjehu na postdiplomskom studiju (za lica koja su završila studij po ranijem sistemu studiranja),

- uvjerenje o državljanstvu, ne starije od 6 mjeseci.

**Kandidati su u obavezi prijaviti se elektronski, putem prijavnog obrasca koji mogu preuzeti na web stranici Univerziteta, te isti elektronskim putem prosljediti na email adresu fakulteta, koja će biti objavljena na web stranici fakulteta.**

## V

Lica koja su diplomu integriranog prvog i drugog ciklusa studija/drugog ciklusa/postdiplomskog studija stekla u inostranstvu, u obavezi su podnijeli zahtjev za akademsko priznavanje inostrane isprave-diplome u svrhu nastavka obrazovanja na Univerzitetu u Tuzli.

Obrazac Zahtjeva za priznavanje inostrane kvalifikacije u svrhu nastavka obrazovanja na Univerzitetu u Tuzli može se preuzeti na web stranici [www.untz.ba](http://www.untz.ba) (<http://www.untz.ba/index.php?page=akti1>)

## VI

Studenti trećeg ciklusa studija upisani u akademskoj 2020/21. godini, plaćaju školarinu u iznosima kako slijedi:

- 9.000,00 KM na Fakultetu za tjelesni odgoj i sport,
- 10.000,00 KM na Filozofskom fakultetu,
- 12.000,00 KM na Edukacijsko-rehabilitacijskom, Ekonomskom, Farmaceutskom, Medicinskom, Pravnom, Prirodno-matematičkom, Rudarsko-geološko-građevinskom, Tehnološkom fakultetu i zajedničkom doktorskom studiju Prirodno-matematičkog i Tehnološkog fakulteta,
- 14.000,00 KM na Fakultetu elektrotehnike i Mašinskom fakultetu.

Kandidati strani državljanini i lica bez državljanstva plaćaju školarinu u visini utvrđenoj Odlukom Vlade Tuzlanskog kantona.

Kandidati koji su prije upisa na treći ciklus studija stekli naučni stepen magistra plaćaju školarinu u manjem iznosu, utvrđenu odlukom nadležnog organa Univerziteta, u skladu sa studijskim programom.

## VII

Rang-lista kandidata objavljuje se na oglasnoj ploči fakulteta i web stranicama fakulteta i Univerziteta. Na objavljenu rang listu kandidati mogu uložiti pismeni prigovor naučno-nastavnom vijeću fakulteta, a isti se predaje putem studentske službe fakulteta, u roku od 3 dana od dana objavljivanja rang-liste.

Konačnu Odluku po prigovoru donosi naučno-nastavno vijeće fakulteta koju saopštava podnosiocu prigovora i objavljuje na oglasnoj ploči i web stranici fakulteta.

Upis primljenih kandidata vrši se na osnovu konačne rang-liste.

**Primljeni kandidati pri upisu prilažu :**

- popunjen upisni materijal: prijavni list, upisni list, semestralni list i upisnicu index, te dvije kolor fotografije formata za indeks,
- ljekarsko uvjerenje (osim za upis na Fakultet za tjelesni odgoj i sport koji su ga priložili uz prijavu),
- kopiju uplatnice o uplati školarine za upis u prvi semestar

## VIII

Prijave na konkurs sa potrebnom dokumentacijom podnose se do **30.10.2020. godine**, isključivo preporučeno putem pošte, na adresu fakulteta, sa naznakom „**Prijava na konkurs za upis na treći ciklus studija**“.

**Obrazac prijave na Konkurs može se preuzeti na web stranici Univerziteta [www.untz.ba](http://www.untz.ba) (<http://www.untz.ba/index.php?page=konkursi>).**

**Neblagovremene i nepotpune prijave neće se uzeti u razmatranje.**

Detaljnije informacije o studijskim programima, uslovima upisa, te pregledu potrebne dokumentacije koja se obavezno prilaže uz prijavu, dostupne su na web stranici fakulteta i studentskoj službi fakulteta.

Upisani kandidati zaključuju sa Univerzitetom ugovor o studiranju.

Po završetku trećeg ciklusa studija stiče se **diploma doktora** u skladu sa Spiskom akademskih titula, naučnih i stručnih zvanja koja se mogu sticati na visokoškolskim ustanovama u Tuzlanskom kantonu („Službene novine TK“, broj 13/17).